

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
Općinsko vijeće

Na osnovu člana 24. Statuta Općine Hadžići („Službene novine Kantona Sarajevo“ broj: 15/09 i 17/12), a u skladu sa članom 14. Zakona o zdravstvenoj zaštiti („Službene novine FBiH“ broj: 46/10), Općinsko vijeće Hadžići na Trećoj sjednici održanoj dana 31.01.2013 godine d o n o s i

O D L U K U

O osnivanju zdravstvenog savjeta

Član 1.

Ovom Odlukom osniva se Zdravstveni savjet na nivou Općine Hadžići.
Ovom Odlukom uređuje se nadležnost Zdravstvenog savjeta, broj članova i sastav Zdravstvenog savjeta te način rada.

Član 2.

Nadležnost Zdravstvenog savjeta utvrđuje se u skladu sa članom 14. Zakona o zdravstvenoj zaštiti u FBiH:

- analizira rad zdravstvenih ustanova i kvalitet usluga
- daje mišljenje na planove i programe zdravstvene zaštite za područje lokalne samouprave
- predlaže mjere za poboljšanje dostupnosti i kvaliteta zdravstvene zaštite
- prati povrede prava pacijenata i poduzima mjere za unapređenje tih prava na svom području
- obavlja i druge poslove i zadatke u skladu sa propisima o pravima, obavezama i odgovornostima pacijenata
- vrši promociju i afirmaciju porodične medicine.

član 3.

Broj članova zdravstvenog savjeta je 14 uključujući predsjednika i zamjenika, a imenuje ih Općinsko vijeće na osnovu dostavljenih prijedloga.

Član 4.

Zdravstveni savjet čine predstavnici stranaka koje participiraju u Općinskom vijeću, predstavnik Jedinog općinskog organa uprave, predstavnik mladih, predstavnik zdravstvene ustanove OJ Dom zdravlja Hadžići, predstavnik OJ Zavoda za zaštitu žena i materinstva, predstavnik KJP Veterinarska stanica Sarajevo- Veterinarska ambulanta Hadžići, predstavnik crvenog križa sa područja Općine i jedan predstavnik škola sa područja Općine Hadžići.

Član 5.

Zdravstveni savjet za svoj rad odgovara Općinskom vijeću kome je obavezan najmanje jednom godišnje podnijeti izvještaj.

Član 6.

Članovi Zdravstvenog savjeta obavljaju dužnost za vrijeme mandata Općinskog vijeća koje je izvršilo njihovo imenovanje.

Član 7.

Administrativno-tehničke poslove za potrebe Zdravstvenog savjeta obavljat će nadležna općinska služba odnosno Služba za boračko-invalidsku, socijalnu i zdravstvenu zaštitu, izbjegla i raseljena lica.

Član 8.

Članovima Zdravstvenog savjeta pripada naknada za rad koja će se isplatiti na osnovu evidencije o učešću u radu koju Stručnoj službi za poslove Općinskog vijeća dostavi Služba za boračko-invalidsku, socijalnu i zdravstvenu zaštitu, izbjegla i raseljena lica, a u skladu sa članom 2. stav 3. Odluke o naknadama vijećnicima i članovima stalnih i povremenih radnih tijela Općinskog vijeća („Službene novine Kantona Sarajevo“ broj: 39/05).

Član 9.

Stupanjem na snagu ove Odluke prestaje da važi Odluka o formiranju savjeta za unapređenje zdravstvene zaštite i kvaliteta usluga kao i promociju porodične medicine Općine Hadžići broj: 01-01-2-1369-2/07 od 01.02.2007 godine.

Član 10.

Ova Odluka stupa na snagu danom objavljivanja na oglasnoj ploči zgrade Općine Hadžići, a objavit će se i u Službenim novinama Kantona Sarajevo.

Broj: 01-01-2-1191/2013
Hadžići: 31.01.2013 godina

Predsjedavajući
Općinskog vijeća Hadžići

Adnan Proha